

四庫類書叢刊



山

堂

肆

考

五



山堂肆考五



淮阴师院图书馆1302183



四庫類書叢刊

山堂肆考

(明)彭大翼撰

(五)

117863

上海古籍出版社



欽定四庫全書

子部
山堂肆考卷一百九十三

欽定四庫全書

山堂肆考卷一百九十三

明 彭大翼 撰

飲食

茶

茶經茶者南方嘉木自一尺二尺至數十尺其巴川
峽山有兩入合抱者樹如木蘆葉如梔子花如白薑
微實如栝欄蒂如丁香根如胡桃其名一曰茶二曰
檟三曰叢四曰茗五曰荈

欽定四庫全書

山堂肆考
卷一百九十三

雀舌

毛文勝茶譜蜀州雀舌鳥嘴麥顆蓋取其嫩牙所造以
其牙似之也又有片甲者早春黃茶牙葉相把如片甲
也蟬翼者其葉軟薄如蟬翼也

龍團

高齋詩話建州大小龍團始于丁晉公成于蔡君謨宋
太平興國二年始置龍焙造龍鳳茶咸平中丁晉公為
福建漕監造御茶進龍鳳團慶厯中蔡端明為漕始造

詳校官中書臣閔思毅

主事臣祁韻士覆勘

總校官降調編修臣倉聖脈

校對官中書臣葉蘭

謄錄監生臣李師弼

小龍團茶歐陽永叔聞之曰君謨士人也何至作此事
自後熙寧末有旨下建州製密雲龍一品尤為奇絕按
龍團者餅印以龍鳳文也供御者以金粧龍鳳

陸羽茶經

唐陸羽字鴻漸有文學嗜茶著茶經三篇言茶之原之
法之具尤備天下蓋知飲茶矣又語林有常伯熊者因
羽論復廣著茶之功御史大夫李季卿宣慰江南次臨
淮知伯熊善煮茶召之伯熊執器煎季卿為再舉杯至

欽定四庫全書

山堂肆考
卷一百九十三

二

江南又有薦羽者召之羽衣野服持具而入公心鄙之
茶畢命奴子取錢三十文酬煎茶博士羽愧之更著毀
茶論

君謨茶錄

宋蔡襄進龍茶錄昔陸羽茶經不第建安之品丁謂茶
圖獨論採造之本至于烹試曾未有聞臣輒條數事簡
而易明勒成一篇名曰茶錄伏惟清閒之宴或賜觀采
按茶錄二篇上篇論茶色茶香茶味歲茶炙茶碾茶羅

茶候湯燂盞點茶下篇論茶焙茶籠砧椎茶鈴茶碾茶
羅茶盞茶匙湯瓶

綠花

杜陽編上每賜同昌公主饌其茶則有綠花紫英之號

白芽

東坡注草茶盛于兩浙日注第一自景祐以來洪州雙
井白芽製作尤精遠出日注之上遂為草茶第一

露芽

欽定四庫全書
山堂肆考
卷一百九十三
蜀之雅州蒙山頂有露芽穀芽皆云火前者言採造于
禁火之前也火後者次之又有枳殼芽枸杞芽枇杷芽
者皆能治風疾又有皂莢芽槐柳芽皆上春摘其芽和
茶作之又有五花茶者其片作五出花也

雲脚

茶譜袁州界嶠其名甚著不若湖州之研膏紫笋魚之
有綠脚垂下故吳淑賦雲垂綠脚又紫笋者其色紫而
似笋

稱為草魁

茶譜宣州宣城縣有了山形如小方餅橫鋪茗芽其上其山東為朝日所燭號曰陽坡其茶最勝太守薦之京洛人士題曰了山陽坡橫紋茶杜牧詩山實東吳秀茶稱瑞草魁

呼曰酪奴

楊徽之洛陽伽藍記齊王肅歸魏初不食羊肉及酪漿常食鯽魚羹飲茗汁高帝曰羊肉何如魚羹茗飲何飲欽定四庫全書
山堂雜考 卷一百九十三

如酪漿肅曰羊陸產之最魚水族之長羊比齊魯大邦魚比邾莒小國惟茗飲不中與酪漿作奴彭城王勰顧謂曰卿不重齊魯大邦而愛邾莒小國何也肅對曰鄉曲所美不得不好勰復謂曰卿明日顧我為卿設邾莒之飧亦有酪奴因此呼茗飲為酪奴一名酪蒼頭亦曰蒼頭奴故謝宗論茶云豈可以酪蒼頭使應代酒從事

北苑西山

瑞草總論建州北苑先春龍焙洪州西山白露安吉州

顧渚紫笋常州義興紫笋陽羨春池陽鳳嶺睦州鳩坑南劍蒙頂石花露鉸牙籤牙南康雲居峽州小江園碧澗蒼明月蒼菜黃蒼東川獸目福州方山露牙壽州壠山黃芽六安州小峴春皆茶之極品也

爛石礫壤

茶經上者生爛石中者生礫壤下者生黃土

斵門旗鎗

斵門團黃有一旗二鎗之號言一葉二芽也歐公詩共約試新茶鎗旗幾時綠王荆公送元厚之詩新茗齋中

試一旗世謂茶之始生而嫩者為一鎗覆大而開為一旗

蒙頂雲霧

東齋紀事蜀雅州蒙頂茶其生最晚常在春夏之交方茶生常有雲霧覆其上若有神物護持之

學士例賜

金鑿室記故例翰林學士每春晚入困則日賜成殿茶

道士乞遺

神異記餘姚人虞洪入山採茗遇一道士牽三青牛引洪至瀑布山曰吾丹丘子也聞子善具飲常思見惠山中有大茗可以相給祈子他日有甌犧之餘乞相遺也洪因設奠祀之後常令人入山獲大茗焉

早採晚採

爾雅早採者為茶晚採者為茗薛蜀人名曰苦茶故東坡詩周詩記苦茶茗飲出近世初緣厭梁肉假此雪昏

欽定四庫全書

山堂群考
卷一百九十三

六

滯

官焙私焙

茗溪詩話北苑官焙也漕司歲貢為上壑源私焙也土人亦入貢為次二焙相去三四里間若沙溪外焙也與二焙絕遠為下故黃魯直詩莫遣沙溪來亂真是也官焙造茶常在鷲螯後

乘雷摘

茶譜蜀之雅州有蒙山山有五頂頂有茶園其中頂曰

上清峯昔有僧病冷且久嘗遇一老父謂曰蒙之中頂

茶常以春分之先後多構人力俟雷之發聲併手採摘以多為貴三日而止若獲一兩以本處水煎服即祛宿疾二兩當前無疾三兩因以換骨四兩即為地仙僧因之中頂築室以候及期獲一兩餘服未竟而病瘥年

欽定四庫全書

山堂群考
卷一百九十三

七

到矣

掃雪烹

見雪

金沙

茶譜湖州長興縣啄木嶺金沙泉即每歲造茶之所也湖常二郡接界于此厥土有境會亭每茶時二枚畢至此泉處沙中居常無水將造茶太守具儀注拜敷祭泉頃之發源水甚清溢造供御者畢水即微減供堂者畢

水已半之太守造畢即潤矣太守或還柳稽期則示風雷之變或見鷲獸毒蛇水甍暘暎之類焉

玉壘

茶譜玉壘闕外實唐山有茶樹產于懸崖筍長三寸五寸方有一葉兩葉

鶯市

廣陵者舊傳晉元帝時有老姥每日擊一品茗往市鬻之市人競買自旦至暮其器不減所得錢盡散路傍孤

欽定四庫全書

山堂雜考
卷一百九十三

八

貧乞人人或執而繫之于獄夜擊賣茗器自臍飛去

耐漬

茶譜胡生者以釘鉸為葉居近白蘋洲傍有古墳每茶飲必奠酌之忽夢一人謂曰吾姓柳平生善為詩而嗜茶感子茶茗之惠無以為報欲教子為詩胡生辭以不能柳強之曰但率子意言之當有致矣生後遂工詩時人謂之胡釘鉸詩又異苑剡縣陳務妻少寡與二子同居好飲茶家有古塚每飲輒先祠之二子欲掘之母止

之夜夢人致感云吾雖潛身朽壤豈忘翳桑之報及曉于庭中獲錢十萬似久埋者惟貫新耳

龜蒙入租

茶譜甫里先生陸龜蒙嗜茶薺置小園于顧渚山下歲入茶租薄為甌犧之費自為品第書一篇繼茶經茶訣之後

趙贊興稅

唐書德宗貞元中趙贊興稅而鹽鐵使張滂繼之長慶初王播又增其數鄭注為權茶法詔王涯為權茶使涯變法並稅以濟用度而下益困矣

社前火前

學林新編茶之佳者造在社前其次火前謂寒食前也其下則雨前謂穀雨前也唐僧齊己詩高人愛惜藏巖裏白甌封題寄火前茶皆言火前蓋未知社前之為佳也

一水兩水

欽定四庫全書

山堂雜考
卷一百九十三

九

茶錄述安關茶以水痕先沒者為負耐久者為勝故較勝負之說相去一水兩水耳又建安人謂關茶為茗戰

悅志

神農食經茶茗宜久服令人有力悅志

降魔

山谷詩文書滿案惟生睡夢裏鳴鳩喚雨來乞與降魔大圓鏡真成破樹作驚雷又唐白樂天詩破睡見茶功

御史瓶

欽定四庫全書

山堂雜考
卷一百九十三

十

御史臺記御史三院一曰臺院其僚曰侍御史二曰殿院其僚曰殿中侍御史三曰察院其僚曰監察御史察院廳居南會昌初監察御史鄭路所葺禮察廳謂之松廳南有古松也刑察廳謂之麗廳寢于此多鬼魔也兵察廳掌中茶茶皆蜀之佳者貯于陶器以防暑濕御史躬親監故謂之御史茶瓶

驛官庫

茶錄江南有驛官以幹事自任白太守曰驛中已理請

一閱之乃往初至一室為酒庫諸醞皆熟其外畫神問

何神也曰杜康刺史曰公有餘也又一室曰茶庫諸茗

畢備復有神問何神也曰陸鴻漸刺史益喜又一室曰

雜庫諸道畢具復有神問何神也曰蔡伯暗刺史大笑

曰不必置此

賜五十斤

唐大中三年東都進一僧年一百三十歲宣宗問服何

藥而致然僧對曰臣少也賤不知藥性本好茶至處唯

飲定四庫全書

山堂雜考
卷一百九十三

十一

茶是求或飲百碗不以為厭因賜茶五十斤令居保壽

寺

惠三百片

唐盧仝謝孟諫議寄新茶詩曰高丈五睡正濃軍將叩

門驚周公口云諫議送書信白絹斜封三道印開緘宛

見諫議面手閱月團三百片聞道新年入山裏蟄蟲驚

動春風起天子未嘗陽羨茶百草不敢先開花仁風暗

結珠琲瑤先春抽出黃金芽摘解焙芳旋封裹至精至

好且不奢至尊之餘合王公何事便到山人家柴門反
關無俗客紗帽籠頭自煎喫碧雲引風吹不斷白花浮
光凝椀面一椀喉吻潤二椀破孤悶三椀搜枯腸唯有
古文五千卷四椀發輕汗平生不平事盡向毛孔散五
椀肌骨清六椀通仙靈七椀喫不得唯覺兩腋習習清
風生

仙人掌

李白茶迷余聞荊州玉泉寺近清溪諸山洞往往有

欽定四庫全書

山堂群考
卷一百九十一

十一

乳窟窟中多玉泉其水邊處處有茗草羅生枝葉如碧
玉唯玉泉真公常采而飲之年八十餘歲顏色如桃李
而此茗香滑異于他者所以還童振枯人人壽也余遊
金陵見宗僧中孚示余茶數十片狀如手掌號仙人掌
堂茶蓋新出于玉泉之山曠古未覩因特見遺兼贈詩
要予答之遂有此作後之高僧大隱知仙人掌發于
中孚及李白也

胡人鞞

茶經茶千類萬狀有如胡人鞞者威縮然犂牛臄者廉
譔然浮雲出山者輪囷然輕颺拂水者涵澹然此茶之
精好者也有竹籜者枝幹堅實艱于蒸搗故其形籊籊
然有霜筍者莖葉凋沮易其狀貌故其形萎然此茶
之瘠老者也

出茶三般

茶譜涪州出三般茶實化最上製于早春其次白馬最

下涪陵

欽定四庫全書

山堂群考
卷一百九十一

十三

收茶三等

蠻甌志覺林僧志崇收茶三等待客以鷲雷英自奉以
萱草帶供佛以紫茸香赴茶者以油囊盛餘瀝歸

水厄

世說晉王濛好飲茶客至輒飲之士大夫甚以為苦每
欲候濛必云今日有水厄

乳妖

清異錄吳僧文了嘗烹茶游荆南高保勉子季興延置

紫雲卷曰試其藝保勉父子呼為湯神奏授華亭水大師上人目曰乳妖

玉蟬膏

清異錄顯德初大理徐恪見貽卿信錠子茶茶面印文曰玉蟬膏又一種曰清風使按恪建人也

水豹囊

清異錄豹革為囊乃風神呼吸之具也煮茶啜之可以滌滯思而起清風故稱茶為水豹囊

欽定四庫全書

山堂雜考
卷一百九十三

十四

茶加酥椒

郭侯家傳唐德宗好茶加酥椒之類李邕戲為詩旋沫翻成碧玉池漆酥散作琉璃眼

茶用鹽薑

志林唐人煎茶用薑然薛能詩鹽損添常戒薑宜著更誇則又有用鹽者矣

龍安騎火

茶譜龍安有騎火茶最為上品騎火者言不在火前不

在火後作也

澠湖含膏

茶譜義興有澠湖之含膏

魚目

因話錄李約沂公子也一生不近粉黛性嗜茶嘗曰茶須緩火炙活火煎活火謂炭火之有焰者當使湯無妄沸庶可養茶始則魚目散布微微有聲中則四邊泉湧累疊連珠終則騰波鼓浪水氣全消謂之老湯三沸之法非活火不能成也

欽定四庫全書

山堂雜考
卷一百九十三

十五

蟹眼

東坡煎茶歌蟹眼已過魚眼生飈飈欲作松風鳴蒙茸出磨細珠落眩轉遠颺飛雪輕又謝宗論茶候蟾背之芳香觀蝦目之沸湧

鶴嶺

茶譜洪州鶴嶺茶極妙

龍破

清異錄開寶中實儀以新茶飲子味極美奩面標云龍
陂山子茶龍陂是顧渚山之別境

換茶醒酒

靈甌志白樂天方齋劉禹錫正病酒乃饋菊苗菴蘆服
鮮換取樂天六班茶二囊以醒酒

錫茶當酒

見酒

結菴

欽定四庫全書

山堂群考
卷一百九十三

十六

清異錄傳大士自往蒙頂結菴種茶凡三年得絕佳者
號聖楊花吉祥益共五斤持歸供獻

為社

清異錄和凝在朝率同列連日以茶相飲味劣者罰號

湯社

泛綠含黃

鄭谷詩簇簇新穿摘露光小紅圓裏火煎嘗吳僧說
鴉山好蜀吏休誇烏嘴香合座滿甌輕泛綠開緘數片

淺含黃鹿門病客不歸去酒渴更知春味長

研膏焙乳

宋范文正公和章岷從事關茶歌溪邊奇茗冠天下武
夷仙人從古栽新雷昨夜散何處家家嬉笑穿雲去露芽
錯落一番榮級玉含珠散嘉樹終朝采掇未盈擔唯求精
碎不敢貪研膏焙乳有雅致方中圭分圓中瞻北苑將期
獻天子林下雄豪先關美禹磨索首山銅瓶攜江上中流
水黃金碾畔綠塵飛碧玉甌中翠濤起關茶味兮輕醍醐

欽定四庫全書

山堂群考
卷一百九十三

十五

關茶香兮薄蘭芷勝若登仙不可攀輪同降將無窮耻

截玉

東坡詩貴人高宴罷醉眼亂紅綠赤泥開方印紫餅截
圓玉傾甌共數賞竊語笑童僕

級金

歸田錄茶之品莫貴于龍鳳團凡八餅重一斤小龍團
凡二十餘餅重一斤其價直金二兩仁宗尤所珍惜雖
朝相之臣未嘗輒賜惟南郊大禮致齋之夕中書樞密

院各四人共賜一餅宮人剪金為龍鳳花草綴其上兩府八家分割以歸不敢碾試宰相家藏以為寶嘉祐七年親享明堂始人賜一餅余亦恭與至今藏之因君謨著錄輒附于後庶知小龍團自君謨始其可貴如此

蛻骨

山谷詩建溪有靈草能蛻詩人骨

喚夢

山谷以雙升茶送子瞻詩人間風日不到處天上玉堂森

欽定四庫全書

山谷詩考

卷一百九十三

六

寶書想見東坡舊居士揮毫百斛瀉明珠我家江南摘雲腴洛糧靈霏雪不如為君喚起黃州夢獨載扁舟向五湖

苦口

清異錄皮光葉最耽茗飲一日中表請嘗新柑筵具甚豐簪紱叢集纔至未顧尊壘而呼茶甚急徑進一巨觥題詩曰未見甘心氏先迎苦口師衆噓曰此師固清高而難以療饑也

沾牙

清異錄胡嶠飲茶詩沾牙落餘甘氏破睡當封不夜侯嶠宿學雄才未至顯達為耶律德光所虜北去後間道復歸

輕身換骨

陶弘景雜錄芳茶輕身換骨昔丹丘子黃山君服之

瘳氣侵精

唐右補闕毋景休博學有著述性不飲茶著茶飲序釋滯消壅一日之利暫佳瘳氣侵精終身之害斯大獲益則功歸茶力貽患則不謂茶災豈非福近易知禍遠難見者乎又東坡茶詩除煩去膩世固不可以無茶然暗中損人殆為不少

茗瘳

續搜神記桓宣武有一督將因病後虛熱便能飲復茗飲必以一斛二斗乃飽後有客造之更進五升乃吐出一物如升大有口形質縮綿狀如牛脂客乃令置盆中以斛二斗復茗澆之此物喻之都盡而腹中覺小脹又增進五升便悉混然從口中涌出既吐此物病遂瘳或問

欽定四庫全書

山谷詩考

卷一百九十三

十五

之此何病答曰此病名複茗瘕

草癖

清異錄宣城何子華邀客于剡金堂酒半出嘉陽巖峻
畫陸鴻漸像子華因言前世馮駿逸者為馬癖泥貫索
者為錢癖耽于子息者為舉兒癖耽于褒貶者為左傳
癖若此叟者溺于茗事將何以名其癖楊粹仲曰茶至
珍益未離半草也草中之甘無出茶上者宜追目陸氏
為甘草癖坐客曰允矣哉

欽定四庫全書

山堂雜考
卷一百九十五

橄欖仙

清異錄猶子癸年十二有茶詩云葦好喚雞蘇佛回味

宜稱橄欖仙

潤甌品

清異錄孫樵送茶與焦刑部書晚甘侯十五人遣侍齋
閣此徒皆乘雷而摘拜水而和蓋建陽丹山碧水之鄉
月澗雲竄之品慎勿賤用之

清人樹

清異錄偽閩甘露堂前兩株茶鬱茂婆娑宮人呼為清
人樹每春初嬪嬙戲摘新芽堂中設傾筐會

冷面草

清異錄符昭遠不喜茶嘗為御史同列會茶嘆曰此物
面目嚴冷了無和美之態可謂冷面草也

湯幻

清異錄饌茶而幻出物象于湯面者茶匠通神之藝也
沙門福全生于金鄉長于茶海能注湯幻茶成將詩一
句並點四甌共一絕句泛乎湯表檀越日造門求觀湯
戲全自詠詩曰生成盞裏水丹青巧畫功夫學不成却
笑當年陸鴻漸煎茶贏得好名聲

湯麗

清異錄調茶在湯之淑慝而湯最惡烟然茶一枝濃煎
蔽室又安有湯耶苟用此湯又安有茶耶所以為大魔
按蘇廡嘗作仙芽傳第九卷載作湯十六法以謂湯者
茶之司命若佳茶而濫湯則與凡味同調矣煎以老嫩

欽定四庫全書

山堂雜考
卷一百九十五

十一

言者凡三品注以緩急言者凡三品以器標者共五品以薪論者共五品以老嫩言者三品謂第一名得一湯第二名嬰湯第三名百壽湯又名白髮湯以緩急者三品謂第四名中湯第五名斷脉湯第六名大壯湯以器標五品謂第七名富貴湯第八名秀碧湯第九名壓一湯第十名纏口湯第十一名減價湯以新論五品謂第十二名法律湯第十三名一面湯第十四名宵人湯第十五名賤湯又名賤湯第十六名魔湯

欽定四庫全書

山堂雜考
卷一百九十三

三

飯

周書黃帝始蒸穀為飯烹穀為粥

一飯再飯

見太子

搏飯放飯

禮曲禮侍食於長者共食不能飽共飯不澤手毋搏飯毋放飯毋揚飯注云共食求飽非諫道也不澤手者古之飯者以手與人共飯摩手而有汗澤人將惡之而難言

毋搏者若取飯作搏則易得多是欲爭飽也故謂食之放肆揚謂以手散其氣嫌於欲食之急也

炊於壞屋

家語孔子厄于陳蔡從者七日不食子貢以所賣貨竊犯圍而出告糶于野人得米一石顏回仲由炊于壞屋之下有埃墮甑中顏回取而食之子貢自井望見之問曰仁人廉士窮改節乎回曰改節即何稱于仁廉哉子貢以所飯告孔子子曰吾將問之召顏淵曰疇昔予夢見先人豈或啟佑我哉子炊而進飯吾將祭焉對曰有埃墨墮飯中欲置之則不潔欲棄之則可惜回即食之不可祭也孔子曰然乎吾亦食之

欽定四庫全書

山堂雜考
卷一百九十三

三

與以小盤

見游俠

脫粟

晏子春秋晏子相齊食脫粟飯又漢書公孫弘為丞相封侯食一肉脫粟之飯

折杭

前嘲噓上

玄山之禾

呂氏春秋飯之美者玄山之禾不周之粟陽山之稌南海之秬

大梁之黍

張協七命大梁之黍瓊山之米唐稷播其根農帝嘗其

華

欽定四庫全書

山堂雜考
卷一百九十五

孟

粟飯食友

見朋友

含飯哺兒

世說郝鑿字道徽值永嘉亂在鄉里甚窮餒鄉人以公名德共飴之公常攜兄子邁及外甥周翼二小兒往食鄉人曰各自饑困以君之賢欲共濟君耳恐不能兼有所存公于是獨往食輒含飯著兩頰邊還吐與二兒後並得存同過江郝公亡翼為剡縣解職歸席苦于公

靈牀頭心喪三年

孟嘗待客

孟嘗君待客夜食有人藏火光客怒以為飯不等輒食辭去孟嘗君起自持其飯比之客慙自劬

陳進寄母

見子

令尹糲飯

楚孫叔敖為令尹食糲飯菜羹

欽定四庫全書

山堂雜考
卷一百九十五

孟

太尉麥飯

東漢李固為太尉食麥飯又左雄為冀州刺史嘗食乾

飯

落釜成糜

世說賓客詣陳太丘談鋒甚敏太丘乃令元方季方炊客與太丘論議二人進火俱委而竊聽炊忘著單飯落釜中太丘問何不餽元方季方長跪曰大人與客語乃俱竊聽炊忘著單飯今成糜太丘曰爾頗有所識否對

曰彷彿志之二子俱說更相易奪言無遺失太丘曰如此成糜自可何必飯耶

落席噉粒

見父

老尚善飯

見將帥上

饑須索飯

東軒筆錄宋章惇少善養生嘗云過饑雖不相識處亦

欽定四庫全書

山陰縣志
卷一百九十三

五

須索飯若食飽時見翁亦不拜

胡麻

東漢明帝永平中剡縣有劉晨阮肇入天台山採藥迷道路見二女絕色喚劉阮姓名因避過家下胡麻飯及山羊脯食之

玉屑

唐太和中有二人遊嵩山迷路見一人潔白枕一樓而眠二人且問所自因開樓兩裏皆玉屑飯授與二人曰

分食此雖不足長生一生無疾乃起與二人指路

不妄過飯

漢第五倫字伯魚修行清自上謂曰聞卿為吏不過從兄飯寧有之耶對曰臣生遭饑饉米石萬錢實不敢妄過人飯

唯堪噉飯

隋文帝謂賀若弼曰我以楊素高頰為宰相汝倡言比二人唯堪噉飯是何意也弼對曰誠有是言上怒甚然

欽定四庫全書

山陰縣志
卷一百九十三

五

思其功特令除名

滹沱進飯

漢更始時王郎兵起光武至南宮遇大風雨入道傍空舍馮異抱薪鄧禹蒸火帝對竈燎衣馮異復進麥飯兔肩

惠州飽飯

黃山谷詩東坡謫嶺南時宰欲殺之飽喫惠州飯細和湘明詩

與令對飯

漢書薛宣字贛君東海剡人入守左馮翊始高陵令楊
湛樂陽令謝游皆貪猾不遜持郡短長前二十石數案
不能竟及宣視事詣府謁宣設酒飯與相對接待甚備
已而陰求其罪贓具得所受取乃密以手書曉之湛即
時解印綬付吏為記謝宣終無怨言而樂陽令游自以
大儒有名輕宣宣獨移書顯責之游得檄亦解印綬去

與堦同飯

欽定四庫全書

山堂雜考
卷一百九十三

五八

宋張文定公安道平生未嘗不衣冠而食嘗暑月與其
婿王鞏同飯命鞏褫帶而已衫帽自如鞏不敢公曰吾
自布衣諸生遭遇至此一飯皆君賜也享君之賜敢不
敬乎子自食某之食雖袂衣可也

黃梁

見夢感按本草黃梁穗大毛長其穀米俱麤于白梁而
收子少白梁穗亦大而長穀粗扁長不如粟圓也青梁
穀穗有毛粒青米亦微青而細于黃白梁

青精

見寒食又石髓謂之青泥飯出太行山清異錄靈歷元
年內出清風飯制度賜御庖今造進又錄內載謝諷食
經有越國公碎金飯

每食一石

崔鴻前秦錄苻堅以乞活夏默為左鎮郎胡人護磨那
為右鎮郎奄人申香為拂蓋郎默等身長一大八尺並
多力善射三人每食飯一石肉三十斤

欽定四庫全書

山堂雜考
卷一百九十三

五九

日食一升

見縣令

凝脂

王烈之安成記安成邵毛亭田疇膏腴厥稻馨香飯若

凝脂

埋脯

仇池筆記江南人好作盤遊飯餅脯膾炙無有不埋在
飯下故里諺曰掘得窖子又羅浮顏老取諸飲食雜烹